



左
史



院

服部文庫
117
193



117
193

金州山人四部稿卷之一百四十一

吳郡王世貞元美著



左逸三寸餘

嶧陽之梧爨樵者窮其根獲石篋焉以為伏藏
物也出之有竹簡漆書古本即左氏傳讀之中
有小抵牾者凡三十五則余得而錄之或曰其
指正正非左氏指也或曰秦漢人所傳而托也
余不能辨聊以辭而已

桓十六年春正月會于曹謀伐鄭也夏伐鄭秋七月

公至自伐鄭以飲至之禮也。始公與諸侯圍鄭也。即郭門門焉。昭公懇使子人私於衛侯曰：惟是魯君之首禍鄭以脩郕之怨也。宋君之左右出子也。則惟雍氏宗之孽不虞君之儼然辱臨之也。敢請衛侯曰：忽何故入對曰：寡君之為太子也。寔先君之嫡。以請於天子。有成命矣。不腆撫軍而執役於齊。以扞陬北戎。大勛是建。出子挾宋而奸之。國人之望寡君如望歲焉。何以不入衛侯曰：是非寡人之所專也。二君志也。曰：魯宋何厭之有。魯志翬也。宋志督也。已憐之不悔。而日勤師以求無君之國。而黨之。即天子不能無且。

夕誅君胡翼焉。即寡君孱不能圍其芻牧之邑。而以歸君。若且歸魯管之役。我克宋郕防而魯以班取之。又弗德也。魯安能德君。衛侯乃辭於師。以疾而歸。公亦歸。

莊七年夏。彗星不見。夜明也。巫季陽曰：日沒西也。沒而光。其西方有聖人乎。史逸由不然。是中國之徵也。而在下。夫夜下象也。夜明日之餘也。其夏殷之後辛。代於時為映。更二甲子。乃晦乎。二甲子。中國有聖人。日不沒矣。

閔公二年。公子慶父縊。諡之曰共仲。而弗以儆告也。

仲孫湫聞之曰、異乎、李子之爲政也、刑莫侈於弑逆、淫莫醜於奸上、慶父三年而再行之、而又通君之室、以希得國、魯有司寇將誰辟焉、慶父而後誰無後者、且莊公之二子庸、季、周之、元公其制辟曰、絕管蔡、蔡明有差也、孟叔同立、叔實耻之、作法於涼、其季子乎、是夫也得世無魯矣、

齊侯以諸侯之師侵蔡、潰、蔡侯逃於墓、使其大夫考父請曰、亡人不佞、不能事盟主、以辱君之玉趾、又儼然勞諸侯之師、不佞寔懇辟、不敢以介見、又弗獲改服、從諸大夫朝歸、死於先仲之壠、不佞王卹、受賦弗

敢、稽也、盟府之好聘、兵後弗敢後也、亡人齊沐剪髮、以俟大僇、君用之、先仲誓弗載、紀唯命、其幸以先仲故赦而夷之、附庸君之惠也、非所覲也、齊侯欲弗許、管仲曰、許之、君爲盟主、而脩林茅之惠、以勤諸侯、必終其快、勇滅惟城、毋乃不可乎、請伐楚、詩云、出自幽谷、遷於喬木、言徙義也、君以惠興我、而以義救之、又何憊焉、乃復蔡侯、齊侯伐宋、圍緡、計其不與盟於齊也、國子曰、不可、棄恩不仁、乘弱不義、昔五孽、率亂君、實不勝控、越於外、宋君無忘先君、而率諸侯、以靖我、陷危、敬寧撫有東

國君寔不能光昭先君之令德、嗣主齊盟、夾輔王室、而啓我夏之長心、以力競、嗚、昔我先君之有討於荆也、我握其臂、宋持其指、君今伐宋、楚爲之勁、我爲之掎、不佞唯宋、不以軼逆而遣一介之使、來勞曰、寡君孱不善師、中楚以爲大國羞、君屈玉趾、跋屐、啟郊、庶幾念獻之微、而脩先桓公業、用還集我乎、將無庾辭、以困行人、公不聽、君子以是知齊德之不競也、

僖公二十有二年冬十有一月丙子鄭大夫夫人芋氏姜氏勞楚子於柯澤、楚子使師繆示之俘、餞丁丑、楚子以享于鄭、九獻庭實、旅百加籩豆六品、享畢夜出、

李

文平送于軍、取二姬以歸、明年秋楚成得臣伐陳、討其貳於宋也、遂取焦夷城、頓而還、于文以爲之功、使爲令尹、叔伯曰、子若國何、對曰、吾以靖國也、夫有大功而無貴仕、其人能靖者、與有幾、叔伯退而歎曰、異哉、夫子之爲楚也、泓之役、君王幸以狡勝宋而奉之、同盟、又掩其二息而無別宗、是必不得諸侯、夫子不諫、而今又誘楚以快子玉、君以汰失之、而臣以復復之、必敗、夫子實敗楚而欲他誘也、得身爲幸、

王命尹氏王子虎內史叔興父策命晉侯爲侯、伯、王若曰、叔父惟乃顯祖文侯、翼相我先王、輯救在播、用

渥厥錫、奕世光輔。時上帝弗厭我先王，永綏繩繩，亦
逮爾股肱。叔父爾惟裕少，習於難礪，乃智歲乃勇。若
群僕替御，罔不又俊於予。余小子弗悖，弗習於內，寔
隕越畿甸。唯叔父是怙，鼎簋不搖。臣妾其還，鬻熊氏
陸梁漢江，蠶罔諸姬。余小子弗武，弗克豫外以勤。我
叔父穀厥冑甲，遂厥軻，卑倬纍纍靡扞，不誅於予。天
奪舅氏，余小子日艱，艱弗怙，即於次。叔父爾寔大奠
我甸荒，昆從姻戚，友邦冢君，大夫咸若。度汝克纘文
武，載益光于前列。王曰：叔父其歸視師，柔遠能邇。用
賚尔大輅，一戎輅，一駢服，具彤弓一彤矢，百旅弓矢。

千鉅鬯，一卣虎賁三百人，往哉敬服王命，以綏四國。
糾逖王慝，無怠成，無改食。天嗣惠難老，余一人永孚
于休。晉侯三辭從命，曰：重耳敢再拜稽首，奉揚天子
之休命。

王受魯侯敷王為衛，請晉侯曰：昔越我先王，二叔不
咸，夾煽亡燼，維我伯考周公，大振文武之業，僂管蔡
祭，以靖王室，施於九夷。九夷率從，余一人不德，不能
輯寧宗族，厥有衛鄭，棄盟府之好，而有二心，以服事
荆寔，賴我伯父丕揚周公之烈，剪劉荆人，伏竄箝棘，
聲鄭之罪，歸於京師，告用於廟。余小子罔敢恫怨，法

亦罔敢赦魯之宗臣以故職請曰蔡叔怨父改行周公寔復封之傳國至今予弗敢專鄭在深室徂寒越暑具於昏旦曰康叔之德只以三餼食其速誅之以比於鮮唯伯父稍薄其從蔡而沒之亦唯伯父晉侯稽首曰君王幸赦衛鄭以輯全衛重耳之願也敢不唯命

秦伯莖穆公當從死者百七十有七人子輿氏之三良與焉孟明諫曰不可我先君之御秦也其治命寔多君不之好而唯亂是用殉葬禮之叛也殉良國之疵也王官之後晉人蓋日夜西首焉以司吾國君薨

而示之疵毋招讐乎我得由余戎自削矣以良爲殉去我幾何先君之霸也定王室恤同盟攘土受昨再造國君史足書矣而終之以凶德無已其老臣哉日余再辱秦師先君再拔之死也曰而餘身也無以稱報王官一笑請殉爲再秦伯曰子輿氏先君之志也而先武公之故也子爲生者可也孟明退而不食七日卒

齊侯朝於晉賓媚人相卻克趨進曰此行也君爲婦人之笑辱也寡君未之敢任賓媚人曰日大夫以晉君之命徵敝邑寡君恐不敢愛宇醴以饗從者匹於

單劉惟是一二邑臣不能勅內人以干大夫寡君寔
無所與聞大夫唯已愧之雪而舉晉殉之以天之降
罰齊而使晉人之骨暴於鞏亦豈無一二晉殉先文
公之有討於曹也俗浴薄之郟而終宥之大夫其遂
宥齊而光先文公之德以寬諸侯夫誰不服如其咲
也九達之莊人盡誅乎郟子不能對君子曰郟氏之
後殆哉夫驕德之敗也驕匹夫不可而况國君乎哉
兵以逞忿忿以成欲其尤未也則先成子之恭乎
范武子謂趙宣孟曰亡人也辱夫子之救之不敢以
間請也晉爲盟主吾子寔執大政以光輔社稷城濮

之戰我先君僅一得志於楚無以聲之曰楚爲不道
蠶食庶邦商臣弒頹而子不以間率諸侯伐楚楚猶
外也宋弒杵臼子不親討而以委中行氏齊弒商人
子又赦之子爲正卿曲庇巨憝疇取或焉夏將狄矣
曰君不勝民吾焉能奪之且有周之司寇在士季退
曰喏夫子能行之且忍之矣

宣公十五年晉敗赤狄於曲梁滅潞晉侯賞桓子狄
臣千室亦賞士伯以瓜衍之縣桓子之老無詭曰士
伯之賞信也抑夫子其辭之夫郟之役不能盡援其
長者以歸今之有事於狄者皆其孤也其處者則又

袖手夫子其盍以邛請命於君曰君幸毋僂敢蒙賞
乎不然請以是爲吊喪察傷嗚呼君行溢臣行節禮
也詩云鍾鼓既設一朝饗之君之溢也書云百拜稽
首讓於夔龍臣之節也桓子不能用其明年卒
諸將攻屠岸賈於司寇之署且命之曰國有大典女
實擅之以剪僂勳賢而滅其祀君以爲計岸賈再拜
稽首曰諸大夫脩成季之德而過督臣也則既聞命
先公不能事巨室而羅於難用棄群臣誰之爲也既
殄其身又汚之謚故臣且夕疾首焉以君之命持司
寇爰書以討而謂之擅也其誰不擅諸大夫亦唯私

是競以亂角亂將奚靖焉君行及矣伏劍而死
晉侯使呂相絕秦云云秦伯使大夫成差報曰君脩
怨於敝邑而儼然勞諸侯之御又辱先命之寡君無
所逃罪不腆敝賦詰朝相見也唯是二三臣受事於
先君之老不敢匿敬布腹心昔我穆公念獻公婚姻
之好以內惠公許遺我列城五朝濟夕設版焉穆公
如忘輸粟自雍及絳相屬秦饑晉閉之糴我穆公豈
敢以施責唯妖夢是踐于是平有韓之師天棄惠公
以兵見也穆公醜縲而饋之七牽俾復有晉國是我
再造於惠也惠公即世唯是文公亡人纍纍我穆公

擐甲曹以從晉之卿大夫、呂卻之難、文公潛棄其國、
戡而後返寢阿室、寔唯我紀綱之僕、是我又再造
於文也、虞夏商周之胤、謂穆公之無利晉而衽席之、
是以來朝、則豈敢忘晉德、我穆公師河上、均納王文、
公諫而卻師、陽樊溫原攢茅之田、晉寔拔之、如無穆
公、城濮之役、秦之龍盾虎輶、悉用輔行、晉是以大破
楚、鄭棄叔詹之命、文公以私討、豈其辱秦之疆場、而
誣我先君、穆公之終怒鄭、則文之爲也、超乘三百、毋
毛髮之累、候人褰公、筑然背文公之好、不以餽館逆、
而以兵掩、使我骨暴嶺函之間、我是以有王官之師、

穆公之事三君、皆不克終、終豈在秦、襄公即世、諸大
夫來言曰、請立公子雍、治命也、一耆老謂我康公
毋爲晉德、晉以怨報、康公思篡、穆文之故、披星戴炎、
以赴晉、諸大夫利幻君而陰敗盟、我是以有令狐之
師、使我康公寔愧於一二者、老晉又乘我康公之物、
而徼白狄、踐我場苗、鹵剽我人民、潞夷我城隍、屬先
君、景公有膏盲之恙、須醫於我寡君、寡君齊穆公三
日而遣、綏也曰、其疆場之吏不能布大好、君則何怨、
穆公之享於鈞天、爲晉君請甥舅哉、君立而寡君喜、
可知也、庶其赦我乎、君又衷甲於河東、而誘盟我寡

君是以不能涉河、猶命顛奉、歃血在口、而勞諸侯之成師、以臨寡君、君來言曰、白狄而仇也、以而之賜命、討而有二心於狄、曰、晉將伐女、狄既余仇、將以間止君師也、君信之、楚爲封、承長蛇、欲敵晉於鬪、我肆其浮詛、君又信之、抑君以爲兵端、既不獲受命矣、敢告文襄靈景、唯晉四君、狎主齊盟、惠逮來裔、誰之功也、且君稱盟、以藩王室、無受誓、雖京南、辱邲、不報坐齊、以譏執事、甚輕其心焉、使之盡東、其畝、君唯力是競、而獨辭我寡君、寡君敬受辭、剪棘夷道、以延君之軌車、唯命。

晉范文子友自鄆陵、使其祝宗祈死、曰、君驕侈而克敵、是天益其疾也、難將作矣、愛我者惟祝我、使我速死、無及於難、范氏之福也、祝宗退、曰、異哉、夫子所謂將社稷、奚賴焉、國有六卿、子列在二、中軍之良、厥猶將之、且以先武子之德、只細、大咸矚、將子是靖、子辟其難、而戕其身、以族免也、則不曰晉國之祿、食者幾何、君子之愛身也、以存社稷也、其捐身也、亦唯社稷是存、詩云、既明且哲、以保其身、又云、夙夜匪懈、以事一人、夫子視一人之階、危而先辟之、不可謂忠、將身之不保、不可謂智、君子曰、祝宗之言、信也、雖然、藥之

逆也、卻之昧也、抑亦可免夫、

楚子伐宋、宋使樂嬰齊告急於晉、晉侯欲救之、伯宗
馬曰、不可、古人有言曰、雖鞭之長、不及馬腹、天方授楚、
未可與爭、雖晉之疆、能違天乎、諺曰、高下在心、川澤
納汙、山藪藏疾、瑾瑜匿瑕、國君含垢、天之道也、君其
待之、樂嬰齊曰、異哉、大夫之見、而以君削也、君失諸
侯、在此言矣、日嬰齊受命於寡君、寡君齊三日而遣
之、曰、楚為無道、蔑視宋、寔以國之辱、辱及盟主、僂其
下介、以干楚師、維是銳矢、及唯鞞、鐸摧、雉士均粟、女
職編、且夕所不、即死、堅待盟主之救、晉師苟出、而臣

先微子之社稷、共楚者有如日、晉師苟不出、而臣先
微子之社稷、餌楚者有如日、寡君之屏臣、元寔、史言
之、抑邲之役、晉之戎車、大倍、庭楚、弒子弗克、用命、淪
於顛、墜、則豈唯天之咎、今復棄宋、宋折而楚、鄭先之、
衛魯茅靡也、從齊以披秦、為陰構、悉率諸宗、挾疆以
北、鼎是用詢、將晉之大勳、是墜、唯君與二三卿圖之、
詩云、子不我好、豈無他人、請從死矣、有以報寡君、晉
侯曰、善、乃治師、

會於啇、任錮、欒氏也、~~楚私於范宣子曰、僑聞之、先~~
王之待遷臣也、留之弗可、則導之、俱有侵也、先之所

往無使窮也、三年而後收田祿里居、異其反也、盈也、非有大故以先人之津遺、晉不能即誅以遺諸侯、而又窮之、僞竊惑焉、亦不曰有先大夫書之勲、未斬、宣子曰、寡君之有討於盈也、寔書之為、匠麗氏之役也、至於今未雪也、厲又濟水焉、伐秦獨東其馬首、以徂師、使寡君不獲志於秦、以慚諸侯、寡君之命曰、凡獲罪於余者、無共國、獲罪於先君之社稷者、無共天、子產退曰、盈必亂、晉失盟主、殆此昉矣、俗書之罪、則既赦於先君、且無辱群臣、以虞中行氏、俗厲之汰、汰罪微也、罪人不孥、古之訓也、范氏其為樂乎、女慝不

察、男怨是徇、任譏棄戚、肆忿淫志、其猶以武子文子之澤也、再世而已、

秦后子奔晉、以翠旄之復、陶鞮鑑璧珥、甲父之鼎、私於趙文子曰、鍼也不能事其兄、以即盟主、其不以就大僂、而使之朝夕殮焉、唯吾子是賴、與先君蜚廉之好、是庇鍼也、敢徼福於先君、以事夫子、趙文子辭、使者出、諸大門之外、而拜曰、我寡君以公子之辱臨而不鄙也、日夜飭邠、傳焉、武不敏、獲看列大幸、毋以內臣而有異交、精白一心、夙夜匪懈、唯君是媚、武之志也、吾子饋念先君而賄焉、武即不肖、敢蔑忘其先而

賄之愛后子悔曰鍼之徒夫子淺矣宜其及也
宋之盟叔向歸而有德也邠奚曰異哉所也吾聞之
先王之於夷也德兼之霸者之於夷也力外之未聞
其柔之也召陵之後齊桓大張其兵辭楚懾而後成
伯也是則仲父之教也城濮之後辭不足矣劉之兵
楚剽而後成伯也是則先成季之教也楚雖強爲莊
若穆寔不得志於諸侯而以求晉晉爲盟主倏棄諸
侯倒阿投之母乃逆損乎所佐上卿不預其筭唱懾
衷甲陽辭以誘南冠之臣偃然歛先小國尸盟固若
是乎物不兩大楚既先之則主之矣晉既不能大寬

諸侯之力聘朝饗助日歲孳孳焉又令楚得役之是
重困也安在息民楚爲封豕貪婪無厭輕重異供薄
厚生怨爭未艾也安在弭兵六君之衡一旦失之猶
以爲多何所非績晉侯老而厭武上卿是藉寧無先
文君之討所也及身而已後其殆哉叔向聞之愧三
日不出曰吾知罪矣夫子再生我者也

晉人執仲幾歸京師王使大夫弘詰之曰昔在商王
自絕於天暴棄兆民我先王以爲討拂逆衆快弗斬
其裔封之舊都佐以繁剝又包藏其禍心以謀我先
王既正其罰又曲需之象擇明賢唯桓圭土田九命

裔

寧
是錫世世子孫稱上公於周室天降災予十人以憂
堆牒盟主紂凡諸侯以共辱而女敖然曰余容也且
有滕薛邾爲役女之宮郊甸遂寧不唯王之土其卿
士僕妾隸圉市莽寧不唯王之臣余一人不德不能
撫有宋宋以技辭而有滕薛邾國無小其相爲役乎
先王之令諸侯白母倍上母陵外女一舉而賊之余
一人將奚賴焉女即司寇母廷女主以干天討仲幾
不能對乃囚之

吳季子使還而過魯叔孫穆子曰美哉先太伯之讓
也而吾子幾之雖然豹也竊有感焉太王之志也授

季建文爰發周邦其帝維新蓋卅載而天下謐如也
子之諸兄日尋兵於楚以勞其民今聞其嗣抑又甚
焉子守曲節而不唯先君之志是體以緹輯兩國而
好之太伯之讓也其承親而靖亂也承親孝也靖亂
仁也仁孝合之爲義吾子違親而亂是用釀母乃不
可乎季子謝曰微吾子之藥石札也則不聞斯言札
也不才唯顛越是懼敢多讓乎

齊侯乘欒氏之亂遂伐晉取朝歌爲二隊入孟門登
太行張武軍於熒庭成鞅封少水趙勝以師來追
曰以寡君之不穀嘗從君於盟所口血寔求乾而君

儼然師臨之也、何故、樂以爲逆、則豈惟寡君惡之、方藉君之威靈、以爲僂君、在彼臣而背盟主、不寧故邑之雕甲朽戈、從君於劇、不敢辟、齊侯使崔杼荅曰、昔我桓公大協諸侯、以蕃王室、天子藉之錫、主齊盟、女先君之不度、而翫於力、盟是用狎、代諸侯之子女、玉帛、干楛、絲枲、醢粉、女世饗食、不以爲厭、女亡、臣克脩婦人之孽、而逞師於我、又爲嫚辭、而辱及余之先子、即一二孛稚、不敢忘、女勒我行人、使從諸大夫曰、必以類、又強諸大夫而軟之、天子命我先君曰、伯舅、女率太師之典、纂乃祖考、無忝乃舊、先君用是以舊履

而有討於魯、女又昵魯之奸言、而興群戎、以賊我邦、京茲剪雍門之萩、焚廬舍、雉原獲、寡君弱、不能過其遺孤、其遺孤日夜西嚮、厲刃曰、必肉晉、死不敢辟、今天既奪女魄、而誘其君臣之衷、以睽間也、寡君敢不順以天命、討大夫以軍、若城降者、寡君之命、車無所愛、亡臣偃不若命、軍還而瘍發、目弗獲、瞑諸大夫所習聞也、趙勝曰、齊侯必亡、犯上侮強、助逆誣帝、此四者得一爲誦、況兼之乎、姑斂師以驕其還、還而後襲之、可肆志焉、齊師還、趙季東之、遂獲昝寗。

劉氏范氏世婚、長弘事劉文公、故周與范氏、趙鞅以

爲計六月癸卯王使使賜長弘死曰微大夫之九周
不及成也雖然大夫乃與晉之叛臣晉不以爲計弗
敢憾大夫弘拜稽首曰君王過聽臣策九歲諸侯之
力大城成周版築之下暴骨與焉以爲臣僂臣死且
不朽君王幸誅臣以悅盟主盟主服從諸侯嚮賓以
僂臣之故臣死且不朽成武二氏始之良也宣孟文
子嗣之英也奕世陪晉力軋而爭孰爲叛焉如其與
也以臣是悅王悅盟主盟主悅卿毋乃非漸乎夏殺
關逢成殷志也商裂比干因周計也晉之從政睥睨
千雉無日忘之臣聞命矣下見安干敢以天子之命

討曰首亂陪臣波及至度維是不佞與于厥辜賦柔
桑之五章而死周人藏其血三年而化爲碧
公如齊齊侯請饗之子家子曰朝夕立於其朝又何
饗焉其飲酒也乃飲酒使宰獻而請安子仲之子重
爲齊侯夫人曰請使重見子家子乃以公出公遂如
晉將如乾侯使請逆於晉晉人曰天禍魯國君淹恤
在外君亦不使一人辱在寡人而即安於甥舅其亦
使逆君使公復於竟而後逆之公至乾侯處於鄆齊
侯使高張來唁公稱主君公恙欲自殺曰余再辱不
如死也子家子曰君有臣不能即而棄其社稷以隕

越於外、將辱之、是取、又何患焉、二國宴而俱勞、師李孫觀而慮復君、其快君死也、如一君又不戒、成其志矣、退而曰、二國之不為君也、微哉、晉伯主也、齊伯之餘也、政在強臣矣、而又右之、右國之逆以抑君、不教世矣、魯猶宗也、晉齊之鬼、不其餒而

趙簡子問於史墨曰、季氏出其君而民服焉、諸侯與之、君死於外而莫之或罪也、對曰云云、君子曰、史墨小人哉、六卿固弁髦晉君而墨又從史之、藐焉以墓高岸為谷、深谷為陵、如其弱也、庸非君乎、冠履定分、不可易也、三氏瓜剖墨其為削乎、

楚靈王聞群公子之死也、自投於車下曰、人之愛其子也、亦如余乎、侍者曰、甚焉、小人老而無子、知擠其溝壑矣、王曰、余殺人子多矣、能無及此乎、侍者曰、善哉、君之言及此也、而晚、君王之令慶封也、則曷不念邲敖、城陳城、蔡不羨、則曷不念其先之餒鬼、日臺章華而朝諸侯、麥然而問周之鼎也、君王未之念也、詩云、啜其泣矣、嗟何及矣、其君王之今日乎、晉荀寅求貨於蔡侯、蔡侯曰、寡人以國之貧小、不能事大國、而失身楚楚、不若是恤其從政者、雷而喪於君、以詰予之瑱珮、復陶、三載、弗克事珪鬯、獲罪於先

君之社稷用昧死請于天國，幸哀憐之而悉率諸侯之甲，徵罪於楚，唯是不腆，故賦寡人之妾，與貨賄，悉用從事，敢辱大夫之請。我先君叔不能率王訓而罪於傳書，爰及嗣裔，脫羈而已。大路闕鞏，姑洗密頌之鼓，唯晉是責，蔡無分寶，疆場之弗輯，與歲佐蔡，雖辱稱諸侯也。淇窪猶懸，罄賴大決之力，得肆志於楚，有瑱珮復陶，在敬用藉，乎吾子光輔盟主，而輯綏諸侯，方貢不乏，私覲自萃，又何求哉？荀廣不悅而退。定公三年，蔡侯、麇侯朝於吳，請伐楚。吳子許之。蔡侯曰：「盍以辭先之。」夫蔡王曰：「我蠻夷也，惟力之是廷，而

奚辭為？伍員曰：「不然，我與楚閔五易世矣。若麇之角於澤，數挺數紕，狎為雌雄，弗克有楚，我直楚曲，何患無辭？辭以先之，武以繼之，制勝之經也。」乃使伯嚭以師先曰：「天誘楚亂，不有戢也。」而世淫其威，以逞於我。寡君之命，群臣曰：「毋黷武母，懷報惟是邊竟之吏，脩父兄之怨，能合而不能離也。」且辭於寡君曰：「我天子之制，親親賢賢，獠牙盤錯，以屏王室，唯楚之先，靡非德。只而藁其馭舌，以徼惠乎我成王，而稱附庸。我昭王之南狩，平實苞藏其禍心，鳩其蟲域，以震驚侍衛。盟主有討，尔又游辭而誑之。水神曰：「以是逃罰，水庶幾


靡喙哉、隣爾國者、若鄧若茲、若楚若江、若黃若六、若
葉若庸、若麋若濮、若息自一二宗室外、夫孰非神明
之胄、而剪焉、使弗祀、尔有憾於陸渾、而糴於雒、曰楚
折鉤之喙、足以為九鼎、乃又救卜曰、余尚得天下、不
吉、投龜、詬天而呼曰、是區區者、而不余畀、余必取之、
城濮之役、尔師為僂、邲之役、尔不能具耳目、以入宗
廟、尔猶不省、隱而睥睨、其共辟以于承、誅日、唐蔡二
君之以好覲也、尔既徵其珮、與肅、而又使廢臣窮
其副、而繫之三年、蔡君日夜搏頰、而請寡君也、曰、蔡
之社稷、狎奪狎予、若童子之食、且不穀之先人、其不

劉於楚市者、幾布、願得舉國而從之、晉又許我、長轂
九百、以為後勁、寡君迺曰、余一人不敢怡、怨於楚、惟
王室之不親、以為余愆、余忝為宗盟長、敢忘于振武
士十萬、自鄆及郟、盡敵乃止、江漢諸姬、以及庭堅之
裔、悉復厥祀、其諸大夫士、非旌於熊、能自變夷、寡君
無所愛其辭、遂濟師、

吳王賜伍子胥屬鏹以死、子胥歎曰、天乎、余之無罪
也、吾先君之驟王而入楚也、吾君王之逞讐也、而伯
諸侯、則微奚之力也、使者曰、不敏、少不足以知大夫、
則竊聞君王之緒言曰、余一人敢忘大夫之勛、唯細

言是狗以墮於僂，抑先王之不獲正始也。歿齒有隱憾焉，柝舉之役，大夫暴與尸，雙棘而鞭之，楚人煨燼之餘，勵其生者以報死者，萃怒於我，我是以不獲有楚。攜李之役，大夫寔張皇六師，不足以衛先王之指，遂棄群臣，余一人以為恨。語有之，人臣無外，絕貳也。大夫以身事余而東其子於鮑氏，亦庶幾異日柝舉哉。余不得復事大夫矣。子胥頰而吁，且託曰：樹吾墓，擗可材乎？三年而吳弱且亡也。晉侯會吳子于黃池，辛長趙鞅呼司馬寅曰：日旰矣，大事未成，二臣之罪也。建鼓整列，二臣死之，長幼必

可知也。對曰：諸姑視之。及曰：肉食者無墨，今吳王有墨，國投敵乎？夷德輕，不忍久，請少待之。乃先吳既及，衛有惡司馬寅於簡子者，曰：吳有內難，厥亦晉矣。子為正卿，以佐盟主，而不張武師以懼夷狄而先之，吳既先晉，趙又勝吳，如其合也，不更後乎？宋之盟，子之先武子也。今子寔再辱晉馬，君以辱為討，子將焉辟？必殺司馬以悅於國。簡子乃遂殺司馬寅。



金世仙入西海...
 卷之...
 一...
 二...
 三...
 四...
 五...
 六...
 七...
 八...
 九...
 十...

